

明

史

明史卷一百六十六

列傳十七

華雲龍

華高

韓政

曹良臣

仇成

張龍

吳復

周武

胡海

張赫

張銓

華雲龍定遠人聚衆居韭山太祖起兵來歸從克滁  
和為千夫長從渡江破采石水砦及方山營下集慶  
路生擒元將得兵萬人克鎮江遷總管攻拔廣德戰  
舊館擒湯元帥進石副元帥漢人犯龍江雲龍守石  
灰山既接戰殺傷相當雲龍躍馬大呼搏其中堅遂

大敗之。乘勝復太平。從下九江。南昌。分兵攻下瑞州。  
臨江。吉安。從援安。雲。鏖戰彭蠡。從平武昌。累功至豹  
韜衛指揮使。從徐達取淮東。克高郵。守之。進攻淮安。  
破張士誠將徐義水寨。攻嘉興。降其將宋興。圍平江。  
軍於胥門。從征山東。克樂安。守之。與徐達會師通州。  
進克元都。擢大都督府僉事。總六衛兵。留守兼北平  
行省。叅知政事。踰年攻下雲州。獲平章火兒忽答石。  
丞哈海。進都督同知。兼燕王左相。洪武三年冬。論功  
封淮安侯。祿千五百石。予世券。雲龍上言塞上諸關。  
東自永平。薊州。西至灰嶺。外隘口一百二十一相去

可二千三百里其至平口至官坐嶺隘口九相去五百餘里俱衝要宜設兵紫荆關及蘆花山嶺尤要害宜設千戶守禦所又言前大兵克永平留故元八翼軍士千六百人屯田人月支糧五斗所得不足償費宜入燕山諸衛補伍操練俱從之行遣至雲州偵知元平章僧家奴營於牙頭以精兵襲之突入其帳擒僧家奴盡俘其衆至上都大石崖攻克劉學士諸寨驢兒國公奔漠北自是無內犯者在鎮七年威名大著建燕邸增築北平城以據元相脫脫第宅借用故元宮中物召運何文輝代之未至京卒于中襲李文

忠之卒也中侍疾進藥坐歿死二十三年追諡中胡  
黨爵除

華高舍山人以巢湖水師來附從克太平遷湖水陽  
涇縣淞陽授總管破采石方山二營下集慶鎮江遷  
秦淮翼元帥與鄧愈徇廣德廣德守將嚴兵城下高  
以數騎挑戰元兵堅壁不動高衝擊大破之遂取其  
城得兵萬人糧數千斛徙平常州進愈行樞密院事  
副俞通海擊趙普勝之柵江營大破之再敗陳友諒  
援長興克武昌援湖廣行省左丞率舟師從克淮東  
收浙西進行省平章政事洪武三年封廣德侯歲祿

六百石高性怯且無子請得宿衛左右有所征討輒稱疾不行令募水師優以不習辭帝知其詐然以故舊優容之諸勳臣皆出行遠惟高不遣最後遷廣東還海城堡高請行帝曰卿優自力甚善事竣至瓊州平初有言高好殖利者故歲祿獨薄至是貧不能簪帝憐之命補支祿三百石以無子納誥券墓中贈巢國公謚武壯列祀功臣廟以從子岳為指揮僉事韓政雖人寄為義兵元帥率眾歸太祖授江淮行省平章政事是時李濟據濠州名為張士誠守實觀望不決太祖使右相國李善長以書招之不報太祖歎

曰濠故吾家也濟所為如此使吾有國無家可守乃  
命政率指揮顧時以雲梯礮石四面攻濠濟度不能  
走始出降政歸濟於應天太祖大悅以時守濠州命  
政移師攻安豐扼其四門不下潛穴城東龍尾壩入  
其城二十餘丈城壞遂破之元將忻都竹貞左君弼  
皆走追奔四十餘里獲都俄而貞引兵來援與戰於  
城南門再破走之於是淮東西悉平已從平姑蘇已  
又從地伐分兵扼黃河以斷山東援軍遂取蓋都濟  
寧濟南皆與有功克東平政功尤多政山東行省平  
章政事以師會大將軍於臨清檄政守東昌既下大

都徽政分兵以守廣平政遂輸降白土諸寨并下蟻  
尖寨蟻尖者在林慮西北二十里為元右丞吳庸王  
若義小鎖兒所據大將軍之北伐也嘗遣將士收服  
諸山寨降者相繼而蟻尖獨特險不下至是以兵逼  
之庸誘殺后義及小鎖兒以降得士卒萬餘人尋調  
往陝西還兵守禦河北洪武三年封東平侯于世春  
移鎮山東未幾復移河北招撫流民復業甚衆從左  
副將軍李文忠出塞由東路踰居庸關檣應昌遂取  
和林深入土剌進抵阿魯渾河大獲而還命巡河南  
陝西再從信國公湯和練兵於臨清卒追封鄴國公

于勲襲二十六年坐藍黨誅爵除

曹良臣安畫人賴冠旁掠良臣聚鄉里築堡自固冠不敢犯歸太祖於扈天為江淮行省叅政從戰鄱陽克武昌襄陽取淮東收浙西進行省左丞從大軍收中原定河南北取元都畧地至澤潞進山西行省平章還守通州時大兵出山西通州守備單弱良臣所部不滿千人元丞相也速將萬騎營白河良臣曰吾兵少不可與戰彼衆雖多亡國之餘敗氣不振當以計破之乃密遣指揮仵勇等於潞河舟中多立赤幟魚三十餘里鉦鼓聲相聞也速望之大駭遁去出精

騎躡之。遂北百餘里。元兵自是不敢窺北平。復從大將軍達擊獯廓。帖木兒於定西三不刺川敗之。洪武三年封宣寧侯。歲祿九百石。予世券。明年從伐蜀克歸州山寨。取桑植容美諸土司。會周德興拔茅岡。車屋寨。自白鹽山伐木開道出紙坊溪。以趨夔州。進克重慶。明年從副將軍文忠北征。至曠胸河。收其部落。宋忠率良民持二十日糧兼程進。至土刺河。哈刺章悉衆渡河。結陣以待。力戰敵少却。復深入。至阿魯渾河。敵騎大集。將士皆殊死戰。敵大敗走。收其士馬萬計。而良民與指揮周顯常榮張耀千戶萬斌遂沒於

軍事間贈安國公謚忠壯列祀功臣廟于秦襲侯坐  
監黨死爵除顓合肥人從帝渡江為帳前都先鋒累  
功至指揮同知以收應昌紅羅山寨遷指揮使榮開  
平王遇春再從弟初從安寧軍來歸令隸遇春麾下  
歷指揮僉事遇春卒於軍榮護喪還京世襲武德衛  
指揮同知從朱亮祖平蜀改振武衛耀壽州人從陳  
瑄先屯建康王師克建康始歸附授鎮江百戶累功  
為神策衛指揮同知守禦福建擒上猶諸蠻遷指揮  
使至是俱戰歿帝厚卹其家命有司各表其墓  
仇成舍山人初從軍充萬戶屢遷至秦淮翼副元帥

太祖攻安慶敵固守不戰廖永忠張志雄破其水寨  
成以陸兵乘之遂克安慶初元左丞余闕守安慶陳  
友諒將趙普勝陷之友諒既殺普勝元帥余某襲取  
之張定邊復來犯余元帥走死至是以成為橫海指  
揮同知守其地時左右弼據廬州羅友賢以池州叛  
知無為州董會陷死四面皆賊境成撫集軍民守禦  
嚴密漢兵不敢東下從征鄱陽殲賊於涇江口功為  
最征平江威士誠於城西南洪武三年僉大都督府  
事鎮遠東久之以屯戍無功降永昌衛指揮使尋復  
官十二年藍玉諸將等征西有功帝欲侯之念成舊

勲先封為安慶侯歲祿二千石同時侯者十二人為省二十年充征南副將軍討平容美諸峒復從征雲南功多予世券加祿五百石二十一年有疾賜內醢手詔存問卒贈皖國公謚莊襄子恭襲爵

張龍濠人從渡江定常州寧國婺州皆有功從征江州為都先鋒平武昌授花槍所千戶從平淮東守禦海安與張士誠將戰於海口擒彭元帥俘其卒數百進攻通州擊斬賊將擢威武衛指揮僉事從平山東河南大兵克潼關以龍副留守洪武三年調守鳳翔改鳳翔衛指揮賀宗哲悉衆圍城龍嬰城固守宗哲

攻北門龍出兵搏戰矢傷右脇不為動遂大敗之進  
克鳳州擒李泰政等二十餘人大將軍達入沔州遣  
龍別將一軍由鳳翔入連雲棧攻興元降其守將劉  
思忠蜀將吳友仁來寇龍擊却之友仁復悉兵薄城  
大治攻其龍從北門突出統友仁軍後敵盡棄甲伏  
走自是不復窺興元召僉大都督府事十一年副曹  
國公文忠征西番洮州論功封鳳翔侯祿二千石世  
指揮使復從潁川侯友德平雲南鎮七星關破大理  
鶴慶平諸洞鑿加祿五百石予世券二十年從宋國  
公勝出金山降納哈出明年勝調降軍征雲南次常

德叛去龍迨至重慶收捕之明年勦平紅邊江沙西  
紫山寨又明年屯田平越鎮遠等州議置龍里衛都  
司亂佐藍玉討平之以老疾請告三十年卒子麟尚  
福清公主授駙馬都尉孫傑侍公主京師永樂初失  
侯傑子綱宣德十年援詔恩乞副吏部言龍侯不嗣  
者四十年不許

吳復字伯起合肥人元末聚衆保鄉里歸太祖於濠  
從克泗滁和米石太平累官萬戶破蠻于海牙陳兆  
先遷管軍總管攻鎮江斬元平章定定下丹陽金壇  
克常州進統軍元帥徇江陰無錫還守常州張士誠

兵奄至力戰敗之追奔至長興又敗之於高橋於太湖於忠節門於長興士誠奪氣從援安豐從征陳理從徐達克廬州下漢沔荊州諸郡縣授鎮武衛指揮同知守沔陽從常遇春下襄陽別將破安陸擒元同僉任亮遂守之克汝州曹山洪武元年授懷遠將軍安陸衛指揮使凡郢均房竹諸山寨之不附者悉平之三年調征陝西敗擴廓擒李區二平章又敗擴廓於秦州征土番克河州援漢中援南鄭明年從傅友德平蜀又明年從鄧愈平九溪辰州諸蠻克四十八洞還守安陸七年進大都督府僉事巡北平還授世

襲指揮使十一年從沐英再征西番擒三副使得納  
隣哈七站之地論功封安陸侯食祿二千石十四年  
從傅友德征雲南克普定城水西克總兵官勦捕諸  
蠻遂由關索嶺開筭道取廣西十六年克墨定苗至  
吉利堡築安莊新城平七百房諸寨斬獲萬計轉餉  
盤江金瘡發遂卒追封黔國公諡威毅列祀功臣廟  
加祿五百石子世泰復臨陣奮發衝犯矢石體無完  
膚平居恂恂口不言征伐之事在普定買妻楊氏年  
十七復死視殮畢沐浴更衣自經死封貞烈淑人子  
傑嗣侯屢出山陝河南北平練兵從征二十八年有

罪從征龍州建功自贖建文中率師援真定戰白溝  
河失律謫南寧衛指揮使永樂元年予璟乞嗣正統  
間再三乞皆不許弘治六年璟孫鐸援詔乞嗣亦不  
許十八年錄獲子孫千戶世襲

周武開州人從定江東滅漢收淮東平吳積功為指  
揮僉事從平中原進都督僉事洪武十一年以叅將  
從沐英討兩番朵甘功多師還封雄武侯祿二千石  
世指揮使出理河南軍務巡撫北邊二十三年卒贈  
汝國公謚勇襄

胡海字海洋定遠人嘗入土豪赤塘王總管營自拔

來歸授百戶從敗元將賈魯兵克泗滁二州進萬戶  
從渡江拔蠻子海牙水寨矢傷左足遂破陳瑩先兵  
從取集慶先登取鎮江矢傷右脇從敗元將謝國璽  
於寧國刀傷左手因選充先鋒從圍湖州墮其東南  
門月城矢傷小腹及右臂從攻宜興刀傷左肢及胸  
鏖戰於紹興生得賊四百餘人進都先鋒從破漢兵  
於龍灣又從克安慶矢傷右臂與漢人相持凡八戰  
皆大捷遂入江州從攻廬州砲石傷右臂海晏戰屢  
受傷然聞益力太祖壯其勇授花槍上千戶復從克  
荊漢衡潭之境擢賈慶衛指揮僉事遷指揮使命鎮

並陽從平章楊璟征湖南廣西未下祁縣由祁陽進  
圍永州與守兵戰於東鄉橋生得千萬戶四人以夜  
三鼓先登及抵靖江又與守兵戰於南門生得萬戶  
二人以夜四鼓自北門八角亭先登海功最命為左  
副總兵勅平左江上思蠻調征蜀克龍伏隘天門山  
及溫陽關予世襲指揮使仍鎮並陽武岡靖州五開  
諸苗蠻先後作亂海志捕斬首亂者撫其餘衆遷都督  
僉事從征雲南由永寧趨烏撒進克可渡河與副將  
軍沐英會師攻大理其酋段世悉衆扼上下關以守  
最時定遠侯王弼自沂水東引兵趨上關英親率大

軍抵下關而遠海以夜四鼓取石門間道渡河統出  
點蒼山後攀大樹緣崖而上立王師旗幟英士平望  
見之皆踴躍呼噪酋衆大驚英遂斬關入海亦麾山  
上軍下擊酋衆前後受敵悉潰走雲南阮平論功封  
東川侯予世券踰三年以左叅將從征金山又三年  
以征南將軍討平澧州九溪六古卑洞諸蠻寇師還  
乞歸鄉里厚賚金帛以行病疽發背卒長子斌龍虎  
衛指揮使征雲南陣歿次王坐藍黨死次觀尚南康  
公主為駙馬都尉朱嗣平宣德中公主乞以子忠嗣  
爵詔授孝陵衛指揮僉事予世襲

張赫濠人江淮大亂嘗團結義兵以捍鄉里嘉山繆  
杞頭每遣人招之卒謝不往聞太祖起遂率衆來附  
授千戶以功進萬戶從渡江所至攻伐皆預以功擢  
常春翼元帥守禦常州尋從擊陳友諒於鄱陽湖又  
從攻武昌已又從伐張士誠進圍平江諸將分門而  
軍赫軍閤門士誠屢出兵突戰屢挫其鋒吳平賜絲  
段表裏又從克慶元并下溫台洪武元年擢福州衛  
都指揮副使進本衛同知復命署都指揮使司事是  
時倭寇出沒海島中乘間輒傳岸剽掠沿海居民悉  
患苦之帝數遣使齎詔書諭日本國王謂能臣則當

奉表來庭不能往亦當歛兵自固永安境土如必欲  
為寇將剋期命舟師颺颿往勦滅其國繼又數絕日  
本貢使然竟不得倭人要領赫在海上久所捕鹵不  
可勝計最後追寇至琉瑯大洋親率士平與戰擒其  
魁十八人斬首數十級獲倭船十餘艘收其弓刀諸  
器械無算帝偉赫功遂命掌都指揮印尋調興化衛  
召還擢大都督府僉事書遠東漕運方艱軍食後期  
帝深以為慮以赫久於海上習知海道曲折因命赫  
督海運事久之封航海侯予世券赫前後往來遠東  
十二歲凡督十運勞勩備至軍中賴以無乏病卒追

封恩國公議莊簡子榮從征雲南有功為水軍右衛  
指揮使孫鑑福建都指揮使永樂中留鎮交趾

張鈐定遠人從取太平定集慶鎮江常州婺州討偽  
漢檇江州戰郃陽湖取鄂渚收淮東平吳累功為指  
揮僉事從取中原燕晉秦蜀進都督僉事董建齊王  
府於青州副江夏侯周德興征五溪蠻已而水盡源  
通塔平散毛諸洞酋作亂復副德興討平之從潁國  
公傅友德征雲南由永寧克烏撒久之復從友德征  
烏撒及曲靖普安龍海孟定諸蠻洪武二十三年封  
永寧侯食祿千五百石世指揮使

論曰二華而下十一人大都皆草竊之徒耳一旦遭  
時遇主策名於通侯且恩禮令終而物議莫之及豈  
真能以智自全與抑何其幸也然不再傳而坐失壽  
者又比比也嗚乎黨禍亦烈矣哉

明史卷一百六十七

列傳十八

顧時

陳德

郭子興

王志

楊璟

朱元璋

梅思祖

薛顯

金朝興

顧時字時舉濠人。倜儻好奇畧。從太祖渡江。諸攻伐皆從。有功。由百夫長授元帥。取安慶。南昌。廬州。泰州。擢天策衛指揮同知。李濟據濠州。招之不報。命時同平章韓政討之。攻門其西。殺傷相當。城中拒守益力。時督雲梯炮石四面並進。濟不能走。乃出降。從伐張士誠。攻其昇山水寨。引小船繞敵舟。舟中俯視而笑。

時覺其懈率壯士數人大呼躍入舟衆大亂餘舟競  
進薄之五太子來援薛顗又敗之焚其舟五太子及  
朱暹呂珍等遂降俘其衆六萬士誠由是衆氣遂從  
平吳旋師取山東洪武元年拜大都督府副使兼同  
知率府事從定河南北浚縣以通舟師自臨清進至  
通州直擣元都興諸將分邏古北諸隘口從大軍取  
平陽克崞州獲逃將王信等送軍門取蘭州圍慶陽  
張良臣羅兵城下繫敗之獲其裨將九人良臣乃不  
敢復出慶陽平徐達還京今時將統兵畧靖寧州走  
賀宗哲西遣悉平三年進大都督同知封濟寧侯祿

千五百石于世泰四年為左副將軍副傅友德平河  
南陝西步騎伐蜀自興元進克階文敗蜀兵於漢州  
遂克成都明年剖曹國公文忠北征分道入沙漠迷  
失道糧且盡遇寇士卒疲乏不能戰時率麾下數百  
人躍馬衝擊敵衆披靡引去獲其輜重糧畜以歸軍  
聲大振七年從魏國公達鎮北平踰年召入復令還  
鎮十二年卒葬鍾山追封滕國公謚襄靖祔祭功臣  
廟時能以少擊衆而沉鷙不伐帝甚重之予敕金吾  
衛鎮撫十五年嗣侯為左輔將軍平龍泉山寇有功  
二十三年追諭胡黨榜列諸臣以時為首敕坐死爵

除

陳德宇至善潯人世農家有勇力太祖起兵首隸麾下以萬夫長從克滁和渡江拔采石取太平下集慶克鎮江丹陽為帳前都先鋒同諸將取寧徽備要之地以功擢元帥李伯昇寇長興德往援擊走之從拔南昌大戰鄱陽湖冒矢石先登斬獲無算太祖舟膠淺德力戰身被九矢不退從平武昌伐張士誠大敗其兵於舊館擢天策衛親軍指揮使吳平進僉大都督府事從大將軍取山東克汴梁河南立河南行都督府以德署府事討平羣盜征山西破澤州磨盤寨

獲叅政俞仁遂會大軍克平陽太原大同渡河取奉  
元鳳翔至秦州元守將呂國公道追擒之張良臣獲  
叛徐達圍之德與諸將抄其出入路良臣恃其兄思  
道為外援信使往來悉為德所殺慶陽遂下以德守  
之又大破橫廓於古城降其卒八萬洪武三年封臨  
江侯食祿一千五百石子世券明年與潁川侯傅友  
德伐蜀德分道入綿州破龍德大敗吳友仁之衆乘  
勝圍漢州敗向大亨戴壽援兵於城下遂拔之擒其  
招討以下百餘人戴壽等走成都又追敗之遂與友  
德圍成都蜀平賜白金彩幣五年為左副將軍與朱

國公馮勝征漢北破敵於別力駕山俘斬萬計克甘肅取亦集乃路留兵扼關而還明年復總兵出朔方敗虜三岔山擒其副樞失刺罕等七十餘人其秋再出戰於反刺河斬首六百級獲其同僉忻都等五十人凡三戰三捷七年練兵北平十年還鳳陽十一年卒追封杞國公謚定襄子鋪襲封十六年為征南左副將軍討龍泉諸山寇平之練兵詐梁十九年與靖海侯吳禎城會州從宋國公勝征納哈出將至金山與大將軍異道相失敗沒二十三年追坐德胡黨詔書言其征西時有過被錫賁遂與惟庸通謀爵除

郭子興一名興濠人滁陽王郭子興據濠稱元帥子興隸麾下太祖在甥館子興歸心焉軍行常偕宿衛從克滁和渡江拔采石取太平下集慶授管軍總管克鎮江進統軍元帥圍常州晝夜不解甲者七月城下受上賞攻寧國江陰宜興婺州安慶衛州皆下之又克龍興戰於鄱陽陳友諒連巨艦以進我師屢却子興曰舟大小不敌非人不用命也宜以火攻之用其計友諒遂敗死從征武昌斬獲多進鷹揚衛指揮使從徐達取廬州援安肅大敗士誠兵平襄陽衡澧還克高郵淮安轉戰湖州圍平江軍於安門盡攻繫

之術吳平達上其功擢鎮國將軍大都督府僉事洪武元年從達取中原克汴梁守禦河南馮勝取陝州諸蓋兵守潼關達曰無如子興者遂調守之潼關為三秦門戶李思齊張思道等日窺伺子興悉力捍禦正左丞來攻大敗之敵不敢東向移鎮鞏昌撫荒殘戢部曲邊境帖然洪武三年為秦王武傅兼陝西行都督府僉事其冬封鞏昌侯食祿一千五百石子世泰四年伐蜀克漢州成都十一年練兵臨清十六年巡北邊召還卒贈陝國公謚宣武二十三年追坐胡黨將除子興女弟為寧妃弟英武定侯自有傳季弟

德成性通敏嗜酒兩兄積功至列侯而德成止號騎  
舍人太祖以寧妃故欲貴顯之德成辭帝不悅德成  
頓首謝曰臣性耽麪藥庸闇不能事事位高祿重必  
任職司事不治上殺我也人生貴適意但多得錢飲  
醇酒足矣餘非所望帝稱善賜黃封百罌金幣稱之  
寵遇益厚常侍宴後苑醉葡萄脫冠謝帝顧見德成  
髮種種禿落且盡笑曰醉風漢毛髮如此非酒過耶  
德成仰首曰臣猶厭之必盡薙始快意帝默然既醒  
則大懼觸忌諱遂佯狂自放剃髮衣僧衣唱佛不已  
帝謂寧妃曰始以汝兄戲言今實為之真風漢也後

黨事起至死者相屬德成竟得免

王志臨淮人元末以鄉兵從取濠歸太祖於滁陽從  
克和州采石太平集慶鎮江屢騰柵先登身冒矢石  
授右副元帥從取常州寧國江陰優宜興征高郵柵  
九江下黃梅屢戰鄱陽從平武昌還克廬州敗士誠  
兵追奔四十里以親軍衛指揮使改六安衛守六安  
從幸汴梁渡河取懷慶澤潞留守平陽大將軍徐達  
西征會師克興元洪武三年進同知都督府事封六  
安侯歲祿九百石子世恭留守平陽移漢中從征察  
罕腦兒還軍平陽復從大將軍征沙漠其後用兵西

南皆以偏將軍從雖無首功然持重未嘗敗衄其攻  
合肥敗樓覓張擒吳副使為戰功第一領山西都司  
衛所軍務帝稱其處置得宜十六年督兵往雲南品  
甸緹城池立屯堡置驛傳安輯其民十九年卒追封  
許國公議襄簡子威二十二年嗣侯明年坐事謫安  
南衛指揮使卒無子弟城嗣政清平衛世襲志亦追  
坐胡黨以死不問

楊璟合肥人本儒家子以管軍萬戶從太祖下集慶  
進總管下常州進親軍副都指揮使從下婺州遷樞  
密院判官再從伐漢以功擢湖廣行省叅政移鎮江

陵進攻湖南蠻寇駐師三江口復以招討功遷行省  
平章政事率左丞周德興參政張彬將武昌諸衛軍  
取廣西洪武元年春進攻永州守將鄧祖勝迎戰而  
敗敵兵固守環遶圍之元兵未援駐東鄉倚湘水列  
七營軍勢益盛環擊敗之俘獲千餘人全州守將平  
章阿思蘭及周文育具以兵未援報遣德興擊敗之  
遣千戶王廷取寶慶德興彬取全州畧定道州藍山  
桂陽武岡諸州縣而永州久不下令裨將分營諸門  
築壘困之造浮橋西江上急攻之祖勝力盡飲藥死  
百戶夏昇約降環兵踰城入參將張子賢率衆巷戰

軍潰被執遂克永州而征南將軍廖永忠奏攻朱亮祖亦自廣東移兵取梧州定潯責譚林亮祖以兵來會進然靖江不下環謂諸將曰彼所恃西濠水耳當先決其隄岸破之必矣乃遣指揮丘廣攻牐口閘殺守隄兵盡決濠水築土隄五道傳於城城中猶固守急攻二月克之執平章也兒吉尼先是張彬攻南閘為守城者所詬怒欲屠其民環甫入立下令禁止之民乃以安復移師徇下柳州降其兩江土官黃英岑伯顏等而永忠亦定南寧蒙州廣西悉平還為偏將軍與湯和取山西至澤州及元平章韓扎兒戰於韓

店敗績還捕唐州亂卒留鎮南陽未幾詔璟往使於  
義是時義未昇幼母彭氏諸大臣用事璟既至數喻  
昇以禍福俾從入覲昇集其下共議而諸大臣方專  
恣心不利昇歸朝遂皆固持以為不可昇亦莫能決  
也於是璟還復遣昇書曰竊聞古之為國者同力度  
德同德度義義不足則不敢抗德不足則歸順焉故  
能保身家於兩全流名譽於無窮福及子孫族姓長  
久反是者往往取敗今足下以幼冲之姿席先人之  
業據有巴蜀嘿然在位不咨至計而聽羣下之議以  
瞿塘剗間之險一夫負戈萬人無如之何此皆不達

時變以候足下何則苟之據蜀最盛者莫如漢昭烈  
且以諸葛武侯佐之綜核官守訓練士卒財用不足  
皆取之南詔然猶朝不謀夕僅能自保今足下疆場  
南不過播州北不過漢中以此準彼相去萬萬而欲  
藉一隅之地延頃刻之命可謂智乎若以險阻可恃  
則三苗之墟不滅有扈之國不亡蠶叢魚鳧之鄉不  
至足下矣我主上仁聖威武神明響應順附者無不  
如恩負固者無不致討以足下先人通好之故不忍  
加師數使使諭意又以足下年幼未歷事變恐惑於  
枉轉之說失遠大之計故復遣環向諭禍福深仁厚

德所以待明氏者不淺足下可不深念之乎且向者如陳張之屬竊據吳楚造舟塞江河積糧過山岳強將勁兵自謂無敵然鄱陽一戰友諒授首旋師東討張氏面縛此非人力實天命也足下視此以為何如或諒子竄歸江夏王師致伐勢窮銜壁主上宥其罪愆制符錫爵恩榮之盛天下所知足下無彼之遇而能翻然覺悟自求多福則必享茅土之封保先人之祀世世不絕豈不賢智矣哉若必欲崛強一隅假息頃刻魚遊於沸鼎之中燕巢於危幕之上禍福將至恬不自知操恐大兵一臨凡今之為足下謀者他日

或以郡獻或以城降各自為身計以取富貴當此之時老母弱子將安所歸縱足下年幼未曉語及於此能未為之痛心乎禍福利害瞭然可覩順逆之機在足下審之而已昇不聽諭二年而憂亡蓋累如璟書云三年大封功臣璟為營陽侯祿千五百石予世券從伐虜戰於瞿塘不利憂平克副將軍討定辰沅蠻寇再從大將軍徐達鎮北平練兵遼東十五年卒追封芮國公謚武信子通嗣部降軍戍雲南以多道亡降尋定指揮使二十三年詔書坐璟胡黨謂以瞿塘之敗被責有異謀云

朱亮祖六安人元授義兵元帥太祖克寧國擒亮祖  
喜其勇悍賜金帛仍舊官居數月叛歸於元數與我  
兵戰為所獲者六十餘人遂陷宣城據之太祖方取  
建康未暇討也既克常州遣徐達等征之圍宣城亮  
祖突出常遇春與戰被創而還諸將莫敢前太祖親  
往督戰獲之縛以見問曰爾將何如對曰生則盡力  
死則死耳太祖壯而釋之留麾下從功伐屢有功授  
樞密院判從下南昌九江戰鄱陽湖下武昌進廣信  
衛指揮使李文忠破李伯昇於新城亮祖乘勝追擊  
燔其營落數千獲其同僉元帥等六百餘人軍士三千

馬八百匹，賜重鎧甲，無算伯昇，僅以數騎遁。太祖嘉其功，賜賚甚厚。未幾，胡深請會兵攻陳友定。亮祖由鉛山進取浦城，克崇安、建陽諸縣，功最多。會攻桐廬，圍餘杭，遷浙江行省叅政。李文忠守杭州，帥馬步舟師數萬討方國瑛，下天台，進攻台州。國瑛出走，追至黃巖，降其守將哈兒魯。徇下仙居諸縣，進兵溫州。方明善拒戰，擊敗之，克其城，徇下瑞安。復敗明善於盤嶼，追至楚門。國瑛窮蹙，及明善諸軍降。洪武元年，副征南將軍廖永忠由海道取廣東。何真迎降，悉定其地，進取廣西，克梧州。元尚書普顏帖木兒戰死，遂

定讞林澤貴諸郡與平章楊璟會師攻克靖江執元  
平章也兒吉尼同廖永忠克南寧象州廣西平班師  
太子率百官迎勞龍潛三年封永嘉侯食祿千五百  
石予世券四年伐蜀帝以諸將久無功命亮祖為征  
南右副將軍濟師至蜀而明昇已降徇下未附州縣  
師還以擅殺軍校不預賞八年同顏國公友德鎮北  
平還又同韓國公善長督理屯田巡海道十二年出  
鎮廣東亮祖勇悍善戰而不知學所為多不法番禺  
知縣道同以聞亮祖誣奏同同死事見同傳帝怒召  
亮祖至鞭之卒御製壙志仍以侯禮賜葬長子還府

半衛指揮使與亮祖俱鞭死二十三年追諭亮祖胡  
黨次子昱誅死

梅思祖夏邑人初為元義兵元帥叛從劉福通橫廓  
醢其父尋棄福通歸張士誠為中書左丞守淮安徐  
達兵至思祖迎降并獻四州士誠殺其兄弟數人太  
祖以思祖知命識微降諭褒美比之陳平馬援擢授  
大都督府副使從伐吳克昇山水寨下湖州圍平江  
皆有功吳平遷浙江行省右丞從征中原克山東取  
汴洛破陝州下潼關旋師徇河北至衛輝元平章龍  
二棄城走彰德師從之龍二復出走遂降其城守之

畧定北平未下州郡從大軍平晉冀復從平陝西別  
將克邠州獲元叅政毛貴等三十人從大將軍破曠  
廓於定西遂自秦州破畧陽入沔州取興元洪武三  
年諭功封汝南侯食祿九百石予世券四年伐蜀五  
年征甘肅還命巡視山陝遼東城池十四年四川水  
盡源通搭平散毛諸洞長官作亂命思祖為征南副  
將軍同江夏侯周德興率兵討平之十五年偕同傅  
友德平雲南置貴州都司以思祖署指揮使尋署雲  
南布政司事與平章滿元明同守雲南思祖善撫輯  
遠人安之是年卒子義遠東都指揮使二十三年追

坐思祖胡黨滅其家思祖從子毅為駙馬都尉別有傳

薛顯蕭人趙均用陷徐州以顯為元帥守泗州均用死顯以泗州來降授指揮從征伐南昌平命顯從大都督朱文正守之陳友諒寇南昌顯守章江新城二門友諒攻甚急顯隨方禦之間出銳卒開門搏戰斬其平章劉進昭擒其副樞趙祥固守三月乃解武昌既平鄧仲謙據新淦不下顯討斬之因徇下未附諸郡縣以功擢江西行省叅政從徐達等收淮東遂伐張士誠與常遇春攻湖州別將遊軍取德清攻昇山

水寨士誠遣其五太子威兵來援遇春與戰小卻顯  
率舟師五前奮擊燒其船其衆大潰五太子及朱暹  
呂珍等以舊館降得兵六萬人遇春謂顯曰今日之  
戰將軍功多遇春弗如也五太子等既降吳人震恐  
湖州遂下進圍蘓州與諸將分門而軍吳平進行省  
右丞命從大將軍徐達取中原瀕行太祖諭諸將謂  
薛顯傳友德勇畧冠軍可當一面進克克沂青濟取  
東昌棣州樂安還收河南搗關陝渡河取衛輝彰德  
廣平臨清率馬步舟師取德州長蘆敗元兵於河西  
務又敗之通州遂克元都分兵邏古北諸隘口畧大

同獲喬右丞等三十四人進征山西次保定取七塼  
寨追敗魏因帖木兒與傅友德將鐵騎三千畧平定  
西取太原走擴廓降豁鼻馬邀擊賀宗哲於石州拔  
桃花白崖諸山寨與大將軍達會平陽以降將杜旺  
等十一人見於軍門遂從入關中抵臨洮別將攻馬  
鞏山西番寨大獲其畜產敗擴廓於寧夏復與達會  
師取平涼張良臣偽以慶陽降願往納之良臣蒲伏  
道迎夜劫顯營願傷突圍以免良臣據城叛達進圍  
之擴廓遣韓扎兒攻原州以撓明師願駐兵靈州遣  
之良臣援絕遂破之進賀宗哲於六盤山逐擴廓於

塞外洪武三年冬大封功臣以顯擅殺胥吏數醫馬  
軍及千戶吳富而數其罪封永城侯弗予券謫居海  
南分其祿為三二以贖吳富及所殺馬軍之家一以  
給其母妻令功過毋相掩顯居海南踰年帝念之召  
還予世券食祿一千五百石復從大將軍征漠北數  
奉命巡視河南屯田北平練軍山西從魏國公巡北  
邊從宋國公出金山二十年冬師還次山海關卒贈  
永國公謚桓襄無子弟綱幼二十三年追坐顯胡黨  
以死不問爵除

金朝興業人淮西亂聚衆結砦自保俞通海等既歸

太祖朝興亦率衆來附從渡江所在征伐皆預有功  
克常州為都先鋒復宜興為左翼副元帥平武昌進  
龍驤衛指揮同知平吳改鎮武衛指揮使克大同改  
大同衛指揮取東勝州獲元平章劉麟等十八人洪  
武三年論功為都督僉事兼秦王左相未幾解都督  
府事專傳王四年從伐蜀六年率師平黑城獲元太  
尉盧伯顏平章帖兒不花并省院等官二十五人遂  
從李文忠分領東道兵取和林語其文忠傳朝興沉  
勇有智畧所至以偏師取勝雖未為大帥而功出諸  
將上十一年從沐英西征收納隣七站地明年論功

封宣德侯祿二千石世襲指揮使十五年從征雲南  
駐節臨安元右丞兀卜台元帥完者都土酋楊政等  
俱降朝興撫輯有方軍民咸悅進次會川卒計開遠  
封沂國公謚武毅十七年諭平雲南功改錫世侯券  
增祿五百石長子鎮嗣封二十三年追坐朝興胡黨  
降鎮平壩衛指揮使從征有功進都指揮使其後世  
襲衛指揮嘉靖元年命立傳友德梅思祖及朝興廟  
於雲南額曰報功

論曰君臣相與之際豈不難哉方其同起艱難有如  
月骨酬庸之後慮無不帶孺是盟子孫誓同世享者而

大獄一興株連傾陷相率而駢首就脔不啻一網  
盡之此果胡為者也鍛鍊之下無求不得或懸坐或  
追論罔無一可得免馬如濟寧以下諸臣之事亦大  
可悲也已

明史卷一百六十八

列傳十九

唐勝宗

陸仲亨

鄭遇春

費聚

趙庸

黃彬

陸聚

葉昇

胡美

周德興

王弼

謝成

李新

唐勝宗濠人太祖起兵勝宗年十八挺身來歸從渡江積功爲中翼元帥從徐達克常州進圍寧國扼險力戰敗其援兵城遂降從征婺州克之從征池州力戰敗陳友諒兵擢龍驤衛指揮僉事從征友諒至安

廣欽固守勝宗爲陸兵疑之敵動乃出不意搆其水  
寨大捷遂克之從下南昌畧定江西諸郡援安豐攻  
廬州戰鄱陽邀擊涇江口皆有功擢驍騎衛指揮同  
知從定武昌分兵克長沙下沅陵收澧陽從徐達取  
江陵還兵定淮東攻安豐穴城而入克之追奔四十  
里獲元將忻都爲安豐衛指揮使守之從征中原克  
汴梁歸德許州輒留守禦從大軍克延安進都督府  
同知洪武三年冬封延安侯食祿千五百石予世券  
坐擅馳驛騎奪爵降指揮捕代縣反者久乃復之十  
四年浙東山寇葉丁香等作亂命勝宗總兵討之擒

賊首併其黨三千餘人分兵平安福賊十五年巡視  
陝西督屯料兵十六年鎮守遼東奉勅勿通高麗高  
麗使至勝宗察其姦輒表聞賜勅褒美比諸魏將田  
豫却烏桓賂稱名臣焉在鎮七年威信大著率師討  
平貴州平越蠻練兵黃平二十三年坐胡黨誅爵除  
陸仲亨漢人歸太祖從征滁州收大柳樹諸寨克和  
陽擊敗元兵逐青山群盜從渡江取太平定集慶從  
徐達等攻鎮江下常州寧國江陰克婺衢常熟高郵  
皆有功授左翼統軍元帥從征陳友諒取南昌下合  
肥援安豐戰鄱陽平武昌進驃騎衛指揮使從常遇

春討贛州降熊天瑞爲贛州衛指揮使節制嶺南北  
新附諸郡調兵克梅州會昌湘鄉悉剋平諸山寨洪  
武元年率衛軍會征南將軍廖永忠等征廣東略定  
英德清遠晉江連州肇慶諸郡縣會永忠於廣州降  
元將盧左丞廣東平改美東衛指揮使擢江西行省  
平章代鄧愈鎮襄陽改同知都督府事三年封吉安  
侯祿千五百石子世券與唐勝宗同坐事降指揮捕  
寇雁門間復爵十二年與周德興黃彬等從湯和練  
兵臨清未幾遣使即軍中逮三人至京旣而釋之仲  
亨移鎮成都烏撒諸蠻復叛從傅友德討平之二十

三年治胡惟庸逆黨仲亨家奴封帖木告仲亨與唐  
勝宗費聚趙庸往時皆與惟庸通謀下吏訊鞠獄具  
帝曰朕每怪其居貴位而有憂色自今觀之良有以  
耳遂誅仲亨籍其家初仲亨年十七爲亂兵所掠父  
母兄弟俱亡持一升麥伏草間帝見之呼曰來遂從  
征伐至封侯帝嘗曰此我初起時腹心股肱也至是  
竟誅死

鄭遇春濠人與兄遇霖俱以勇力聞遇霖與里人有  
卻欲殺之遇春力護得解衆皆畏遇霖而以遇春爲  
賢太祖下滁州遇霖爲先鋒取鐵佛岡三汊河大柳

等寨遇春亦累功至總管攻蕪湖遇霖戰死遇春領其衆時諸將各將所部多不過千人遇春既兼兩隊而遇霖所將尤驍果兵甚盛破采石方山二營定集慶拔鎮江取常州寧國下江陰授左翼元帥從克嬖州敗陳友諒於龍灣破其安慶水寨又敗之江州又大敗之鄱陽從平武昌克安豐身先士卒未嘗自言功太祖異之取六安爲六安衛指揮僉事從定山東河南北克朔州改朔州衛指揮副使洪武三年進同知大都督府事封蔡陽侯歲祿九百石予世券明年命駐臨濠開行大都督府坐累奪爵尋復之從傅友

德平雲南率楊文等經略城池屯堡還京督金吾諸衛造海船百八十艘運餉遼東籍陝西岷州諸衛官馬二十三年坐胡黨死爵除

費聚字子英五河人父德興以材勇爲游徼卒聚少習技擊太祖遇於濠偉其貌深相結納定遠張家堡有民兵孤軍無所屬郭子興欲招致之念無可使者太祖力疾請行偕聚騎而往步卒九人俱至寶公河望其營甚整弓弩皆外向步卒懼欲反走太祖曰彼以騎蹴我走將安往遂前前阻水下馬步行甚艱聚欲獨往太祖不可抵其營與定約三日治裝太祖先

歸留聚俟之其帥復欲他屬聚還報太祖復偕聚以  
三百人往計縛其帥收其卒三千人谿鼻山有秦把  
頭八百餘人聚復招降之遂從取靈璧克泗滁和州  
授承信校尉既定江東克長興立永興翼元帥府以  
聚副耿炳文爲元帥張士誠入寇聚擊敗之召領宿  
衛太祖之援安豐兩定江西克武昌皆以聚從改永  
興翼元帥府爲永興親軍指揮司仍副炳文爲指揮  
同知士誠復入寇獲其帥宋興祖再敗其軍自是士  
誠奪氣不敢復窺長興隨征淮安湖州蘇州皆有功  
進指揮使湯和討方國珍聚以舟師從海道邀擊浙

東平復由海道取福州破延平歸次昌國勦海寇葉  
陳二姓於蘭秀山至是聚始獨將洪武二年會大軍  
取西安改西安衛指揮使進都督府僉事鎮守平涼  
三年封平涼侯歲祿千五百石予世券時諸將在邊  
屯田募伍歲有常課而聚頗耽酒色無所事事又以  
招降無功召還切責之明年從征南將軍傅友德征  
雲南大戰白石江擒達里麻雲南平進取大理未幾  
諸蠻復叛命聚副安陸侯吳復爲總兵征烏撒烏蒙  
東川芒部盤江關索諸蠻且授以方略謂蠻人內顧  
但當搆其巢穴攻其寨柵勿與野戰聚與復等遂攻

關索嶺及阿咱等諸寨悉下之蠻地始定置貴州都  
指揮使司以聚署司事十八年命爲總兵官帥指揮  
丁忠等征廣南擒火立達俘其衆萬人還鎮雲南二  
十三年召還李善長敗語連聚帝曰聚曩使姑獲不  
稱指朕嘗署責遂欲反耶竟坐黨死爵除子超征方  
國珍歿於陣殲以人材舉官江西叅政孫宏從征雲  
南積功爲右衛指揮使坐奏對不實戍金齒  
趙庸廬州人兄仲中元季屯巢湖爲水砦俞通源等  
歸太祖仲中亦率所部及庸來歸累戰功爲行樞密  
院僉事太祖取安慶命仲中守之陳友諒復破安慶

仲中棄城走還龍江法當誅常遇春請原之太祖不  
聽曰法不行無以懲後竟誅仲中而授庸樞密院  
從破安慶九江下南昌分兵取江西諸路進叅知政  
事從征友諒大戰康郎山數捷復與俞通海廖永忠  
等以六舟深入搏戰敵兵大敗復邀擊之於涇江口  
殘友諒從平武昌還克廬州援安豐規取淮東徐達  
馮勝率步騎庸與華高率舟師克瑞安泰州破高郵  
下淮安遂伐士誠克昇山水寨拔蘄館下湖州進圍  
姑蘇與諸將分門而軍吳平擢中書左丞從大將軍  
徐達取山東克沂州益都下濟南洪武元年命薨太

子副唐事遂克東昌取隸州移兵克汴梁自虎牢關  
進至塔兒灣唐同脫因帖木兒敗走梁王阿魯溫降  
河南平庸留守復分兵渡河拘下河北州縣從取元  
都克河間守之尋移守保定並收未附山寨又從克  
太原下關陝元將也速侵通州從常遇春率師東拒  
之遂擒惠州抵大寧也速遁追元主至北河俘其宗  
王三人及平章弼住遇春卒命庸爲副將軍同李文  
忠攻慶陽行至太原元兵攻大同急文忠與庸謀以  
便宜援大同再敗元兵於馬邑擒其將脫列伯耀兵  
束勝州還論功賞賚亞於大將軍三年復從文忠北

伐出野狐嶺擒祝真敗太尉蠻子平章沙不丁等於  
白海子之駱馳山進克應昌獲元主孫買的里八剌  
追奔至苦脫孫俘獲無算師還大封功臣以庸在應  
昌私納奴婢不得封公封南雄侯食祿一千五百石  
予世券已復從伐蜀克歸州十四年間粵盜起勢猖  
獷命庸討之用兵踰年悉平南靖海陽程鄉東莞龍  
川諸盜及陽山歸善叛蠻戮其魁散遣餘衆民得復  
業奏籍蠻戶萬人爲水軍又討平廣東盜號鎮平王  
者獲賊黨萬七千八百餘人斬首八千八百級降其  
民萬三千餘戶還見獎勞賜綵幣上尊良馬尋命理

山西軍務巡撫北邊二十三年坐胡黨死爵除

黃彬江夏人從歐普祥攻陷袁吉陳友諒殺徐壽輝

僭偽號彬言於普祥曰公與友諒故比有柰何下之

友諒驕恣非江東敵也保境以候東師當不失富貴

普祥遂遣使納款友諒遣其弟友仁攻之彬與普祥

敗其衆獲友仁友諒懼約分界不相犯乃釋友仁時

江楚諸郡皆爲陳氏有袁扼其要害譚岳賴兵不得

出友諒勢大蹙太祖兵臨之遂棄江州彬之力也太

祖至龍興令普祥仍守袁州而以彬爲江西行省叅

政未幾普祥死彬領其衆普祥故殘暴彬盡反所爲

民甚安之從常遇春征贛州饒州臣擬吉安爲熊天  
瑞聲援遇春兵至弔臣走安福彬以兵躡之弔臣走  
茶陵天瑞乃降永新守將周安叛彬從湯和執安殄  
弔臣移鎮袁州招集諸山寨江西悉定進江淮行省  
中書左丞洪武三年封宜春侯歲祿九百石子世券  
四年贛州上猶山寇叛討平之五年古州等洞蠻叛  
以鄧愈爲征南將軍三道出師彬與營陽侯璟出澧  
州師還賜第中都出練兵沂州臨清二十三年坐胡  
黨死爵除

陸聚不知何許人元樞密院同知初脫脫敗芝蔴李

於徐州彭大等奔濠聚撫輯流亡繕城保境寇不敢  
犯徐達經理江淮聚以徐宿二州降太祖嘗詔諭二  
州吾桑梓地未忍加兵及歸附大悅以聚爲江南行  
省叅政仍守徐州聚遣兵畧定邳沛蕭碭魚臺贛廓  
帖木兒遣李左丞侵徐駐陵子村聚遣指揮傅友德  
擊之俘其衆擒李左丞又敗元兵於宿州擒食院邢  
端等從定山東平汴梁運鎮改山東行省叅政從平  
元都略大同保定真定攻車于山寨及鳳山成山鐵  
山三寨皆克之復克故開山寨守井陘故關會師陝  
西克承天寨聚所部皆淮北勁卒然趙精騎不能及

也既北征沂鄆山民乘間作亂召聚還發兵平之洪武三年封河南侯祿九百石予世券八年同衛國公愈屯田陝西開衛戍守十二年同信國公和練兵臨靖尋理福建軍務召還賜第鳳陽二十三年坐胡黨死爵除

葉昇合肥人左君弼據廬昇自拔來歸以右翼元帥從征江州以指揮僉事從取吳以府軍衛指揮使從定明州洪武三年論功僉大都督府事明年同征西將軍湯和以舟師取蜀越二年出爲都指揮使鎮守西安十二年復僉大都督府事西番叛與都督王弼

征之降乞失迦平其部落復討平延安伯顏帖木兒擒洮州番酋論功封靖寧侯祿二千石世指揮使鎮遼東修海蓋復三城在鎮六年邊備修舉外寇不敢犯發高麗賂遺帝屢賜勅與唐勝宗同見褒獎二十年命同普定侯陳桓總制諸軍於雲南定邊姚安立營屯田經理畢節衛明年東川龍海諸蠻叛昇以叅將從沐英討平之已而湖廣安福所千戶夏德忠誘九溪洞蠻爲寇昇率師討之潛兵出賊後掩擊擒德忠立永定九溪二衛因留屯襄陽贛州山賊夏三復結湖廣峒蠻爲寇昇爲副將軍同胡海等討平之俘

獲萬七千人昇凡三平叛蠻再出練兵井肅河南二  
十五年坐交通胡惟庸事覺誅死涼國公藍玉昇之  
姻也玉敗復連及昇以故昇名隸兩黨云

胡美沔陽人物名廷瑞避太祖字易名美爲陳友諒  
江西行省丞相守南昌太祖既下江州遣使招諭美  
美遣宣使鄭仁傑詣九江請降且請無散部曲太祖  
初難之劉基自後疏所坐胡床太祖悟乃許之賜書  
報曰鄭仁傑至言足下有效順之誠此足下之明達  
也又恐分散所部屬之他將此足下之過慮也吾起  
兵以來十年於茲奇才英士得之四方多矣其有能

審夫時料事機不待交兵捷然委身而來者蓋其意亦欲立功當時垂名後世大丈夫相遇磊磊落落一語契合洞見肺腑故嘗推赤心以待之隨其才而任使之兵少則益之以兵位卑則隆之以爵財乏則厚之以賞初無彼此之分此吾待將士之心也安肯散其部伍使人自疑而負其來歸之心哉且以陳氏諸將觀之如趙普勝驍勇善戰以疑見倖猜忌若此竟何所成近建康龍灣之役予所獲長張梁鉉彭指揮諸人用之如故視吾諸將恩均義一無有所間及長張破安慶水寨梁鉉等攻江北功績茂著並膺厚賞

此數人者其自視無復生理尚待之如此况如尾下  
不勞一卒以完城來歸者耶然得失之機間不容髮  
足下當早爲之計美得書乃遣康泰至九江來降太  
祖遂發九江如龍興至樵舍美以陳氏所授丞相印  
及軍民糧儲之數來獻迎謁於新城門慰勞之俾仍  
舊官美之降也同舍康泰車章祝宗不欲從美微言  
於太祖太祖命將其兵從徐達征武昌二人遂叛攻  
陷洪都達等還兵擊定之祝宗走死執康泰歸於建  
康太祖以泰爲美甥赦弗誅漢遂從征武昌復與徐  
達等率馬步舟師取淮東進伐張士誠下湖州圍平

江別將取無錫降莫天祐師還加榮祿大夫其冬命  
爲征南將軍率師由江西取福建諭之曰汝以陳氏  
丞相來歸事吾數年忠實無過故命汝總兵取閩左  
丞何文輝爲爾之副叅政戴德聰調發二人皆吾所  
親近勿以其故廢軍法聞汝往年嘗攻閩中宜深知  
其地里險易今總大軍攻圍城邑必擇便利可否爲  
進退無失機宜美遂渡杉關下光澤邵武守將李宗  
茂以城降次建陽守將曹復疇亦降進圍建寧守將  
周僉達里麻叅政陳子琦謀堅守以老我師美數挑  
戰不出督兵急攻之城中文乃請降美整軍入城

秋毫無所犯執陳子琦等送京師獲將士九千七百  
餘人糧糗馬畜稱是進克興化遣降將招諭未下郡  
邑汀泉諸郡相繼降會湯和等亦取福州延平諸路  
福建悉平美留守其地召還從章汴梁太祖即位以  
美爲中書平章同知詹事院事洪武三年冬論功封  
豫章侯食祿千五百石予世券誥詞以竇融歸漢爲  
比十三年改封臨川侯董建潭府於長沙太祖榜列  
勲臣謂持兵於兩雄之間可觀望而不觀望來歸者  
七人七人者韓政曹良臣楊璟陸聚梅思祖黃彬及  
美皆封侯美與璟有方面勲帝遇之尤厚十七年美

坐亂宮伏誅二十三年李善長敗手詔條列姦黨言  
美因長女爲貴妃偕其子壻入亂宮禁事覺子壻刑  
死美賜自盡殺身亡家姓氏俱沒云

周德興濠人與太祖同里閭少相得從定滁和渡江  
克采石太平攻溧水破水寨遂下集慶鎮江常州寧  
國江陰池州有功累遷左翼大元帥從取金華安慶  
高郵擢安豐征廬州進衛指揮使從討贛州安福永  
新拔安吉再進湖廣行省左丞洪武元年同楊璟討  
廣西攻永州元平章阿思蘭及周文貴自全州再來  
援德興再擊敗之斬其將朱院判追奔至全州遂克

之道州寧州藍山皆下進克武岡州遂分兵據險絕  
靖江聲援廣西平德興功居多三年封江夏侯歲祿  
千五百石予世券是歲慈利土酋覃垕連茅岡諸寨  
爲亂長沙洞苗由甲等俱煽動以德興爲征蠻將軍  
率潭常諸衛官軍討平之明年伐蜀副湯和爲征西  
左將軍克保寧是時前將軍傅友德已克階文而和  
所率舟師未進至是兩軍始合定蜀論功帝以和之  
功由德興也賞德興而面數和楊璟趙庸皆不預賞  
其追數征蠻事謂覃垕之役璟不能克庸中道而返  
功無與德興比者復副鄧愈爲征南左將軍分道出

南寧平婪鳳安田諸州蠻克泗城州功復出諸將上  
賞倍於大將矣命署中立府行大都督府事德興功  
既盛且恃帝故人營第宅稍逾制有司列其罪詔特  
宥之十三年命理福建軍務旋召還德興年已老會  
五溪蠻亂德興力請行帝壯而遣之賜手書曰趙充  
國圖征西羌馬援請討交趾朕常嘉其事謂今人所  
難如卿忠勤不急何忝前賢靖亂安民在此行也至  
五溪蠻悉散走四川水盡源通塔平散毛諸洞亂仍  
命德興移兵討平之十九年楚王禎討思州五開復  
以德興爲副將軍德興在楚久所用皆楚卒威震諸

鑿定武昌等十五衛歲練軍士四萬四千八百人決  
荊州嶽山壩以溉田歲增官租四千三百石楚人德  
之還鄉賜黃金二百兩白金二千兩文綺百疋居無  
何帝謂德興福建功未竟卿雖老尚勉爲朕行德興  
至閩按籍僉練得民兵十萬餘人相視要害築城一  
十六置巡司四十有五防海之策始備逾三年歸第  
復令節制鳳陽留守司并訓練屬衛軍士諸勲臣存  
者德興年最高歲時入朝賜予不絕二十五年以其  
子驥亂宮並坐誅死

王弼其先定遠人後徙臨淮弼有膽畧善用雙刀號

雙刀王初結鄉里依三臺山樹柵自保踰年率所部  
來歸太祖知其才使備宿衛破張士誠兵於霅川取  
池州石埭攻婺源州斬守將鐵木兒不花拔其城獲  
甲三千擢元帥下蘭谿金華諸暨援池州復太平下  
龍興吉安諸路大戰鄱陽邀擊陳友諒於涇江口從  
平武昌還克廬州拔安豐破襄陽安陸取淮東克舊  
館降士誠將朱暹遂取湖州遷驍騎右衛親軍指揮  
使進圍平江弼軍盤門士誠親率銳士突圍出西門  
搏戰將奔常遇春軍遇春覺其至分兵北濠截其後  
而別遣兵與關士誠軍殊死戰遇春拊弼臂曰軍中

皆稱爾健將爾能爲我取此乎弼應曰諾卽馳騎揮  
雙刀奮擊敵小却遇春率衆乘之吳兵大敗人馬溺  
死沙盆漳甚衆士誠馬逸墮水幾不救肩輿入城自  
畏不敢復出吳平賁賚甚厚從大將軍徐達征中原  
下山東畧定河南北之地遂取元都克山西走擴廓  
自河中渡河克陝西進征察罕腦兒至紅羅斷頭山  
而還洪武三年授大都督府僉事世襲指揮使十一  
年副西平侯沐英討西番降原甘諸酋及洮州十八  
族得納鄰七站地殺獲數萬人得馬二萬牛羊橐駝  
二十萬師還封定遠侯食祿二千石十四年從傅友

德征雲南至大理土酋段世托龍尾關弼以兵由洱  
水趨上關沐英綴下關別遣一軍間道出山後緣崖  
而上立官軍旗幟賊衆駭亂弼與英夾擊之遂拔其  
城擒段世鶴慶麗江諸郡以次悉平加祿五百石予  
世券二十年以副將軍從馮勝北伐降納哈出明年  
復以副將軍從藍玉出塞深入不見敵玉欲引還弼  
持不可玉從之進至捕魚兒海以弼爲前鋒直薄敵  
營走脫吉思帖木兒盡獲其輜重語在玉傳二十三  
年奉詔還鄉二十五年從馮勝傅友德練軍山西河  
南明年同召還先後賜死弼子六人女爲楚王妃福

王時追謚武威

謝成祿人從克祿和渡江定集慶授總管克寧國婺  
州進管軍千戶戰鄱陽平武昌下蘇湖進指揮僉事  
從征中原克元都攻慶陽擒定西烏都督僉事晉王  
府相從征西將軍沐英征朶甘降乞失迦平洮州十  
八族洪武十二年封永平侯祿二千石世指揮使出  
巡北邊召還二十七年坐事死沒其田宅

李新禮州人從渡江教立功戰龍驤授管軍副千戶  
取江陵進龍驤衛正千戶克平江遷神武衛指揮僉  
事調守茶陵衛屢遷至中軍都督府僉事十五年以

營孝陵封崇山侯歲祿千五百石二十二年命改建  
帝王廟於鷄鳴山新有心許將作官吏視成畫而已  
明年遣還鄉頒賜金帛田宅時諸勲貴稍僭肆帝頗  
嫉之以黨事緣坐者衆新首建言公侯家人及儀從  
戶各有常數餘者宜歸有司帝是之悉發鳳陽隸籍  
爲民乃命禮部纂摺制祿嚴公侯奢侈踰越之禁於  
是武定侯英還佃戶輸稅信國公和還儀仗戶曹國  
公景隆還莊田皆自新發之二十六年督有司開隰  
陂河於深水西達大江東通兩浙以濟漕運河成民  
甚便之未幾以事誅

論曰明祖崛起淮甸一時從龍之彥濠產居多蓋間  
氣所鍾夫豈偶爾如唐陸諸人非所稱佐命之英起  
自豐沛者乎乃誥墨未乾而名登構杌即身家莫保  
又何其與韓彭相類也臣罔以寵利居成功信夫、